

Na osnovu Statuta Udruženja inženjera i tehničara šumarstva Federacije Bosne i Hercegovine, Skupština je na 27. Redovnoj (godišnjoj) Izornoj Skupštini, održanoj dana 04.06.2026. godine u Sarajevu, donijela

ODLUKU O NAČINU GLASANJA NA 27. IZBORNOJ SKUPŠTINI UŠIT FBIH

Član 1.

Na osnovu dostavljenih lista kandidata, prema utvrđenim kriterijima koje je donio Upravni odbor, a u skladu sa Statutom Udruženja, Upravni odbor je potvrdio izbornu listu za slijedeće organe upravljanja: Upravni odbor, Nadzorni odbor, Statutarnu komisiju, Sud časti i predsjednika Upravnog odbora. Predsjednika Skupštine predložit će delegati na Skupštini Udruženja. Prijedlog dostavljenih lista kandidata za organe upravljanja predlaže se Skupštini na usvajanje u pismenom obliku i sadrži ime i prezime kandidata, zvanje i ko je predložio kandidata.

Član 2.

U daljem postupku Skupština usvaja prijedlog liste kandidata kandidata za organe upravljanja koji su dostavljeni i usvojeni od strane Upravnog odbora.

Delegati Skupštine predlažu delegate na listu kandidata za predsjednika i podpredsjednika Skupštine s tim da jedan delegat Skupštine može predložiti samo jednog kandidata.

U slučaju da iz istog Kantona/Podružnice bude predloženo više kandidata za istu funkciju, delegati tog Kantona provode interno glasanje, javno i utvrđuju jednog kandidata koji ulazi na konačnu listu prijedloga.

Konačnu listu kandidata za predsjednika i podpredsjednika Skupštine potvrđuje Skupština izjašnjavanjem aklamacijom po pojedinačnim prijedlozima.

Nakon izjašnjavanja Skupštine, kandidati se uvrštavaju u glasačke listiće koji se štampaju i pripremaju za izbornu procedure u skladu sa internim aktima Udruženja.

Član 3.

Predsjednik Izborne komisije pravi listu prijedloga i nakon zaključivanja liste ponovo se stavlja Skupštini na usvajanje, a nakon usvajanja, dostavlja ih zapisničaru koji ih ubacuje u konačnu listu, te se Izborni listići štampaju prema broju delegata i pristupa se pripremi za glasanje.

Nakon toga više nisu moguća odustajanja ili povlačenja kandidatura.

Član 4.

Skupština bira kandidate za organe upravljanja tajnim glasanjem. Delegat može glasati samo za onaj broj kandidata koliko stoji na glasačkom listiću ili manje od predloženog broja na usvojenim listama kandidata za organe upravljanja, što će detaljnije biti pojašnjeno na glasačkom listiću.

Član 5.

Na osnovu utvrđene liste kandidata štampaju se glasački listići sa rednim brojem ispred imena kandidata. Glasa se zaokruživanjem rednog broja ispred imena kandidata za koga delegat glasa.

Ako je predložen samo jedan kandidat, ispred njegovog imena se stavlja redni broj i zaokružuje se tokom glasanja, a taj kandidat po automatizmu biva biran u organ upravljanja za koji je predložen. Tajnim glasanjem rukovodi Izborna komisija koja broji tri člana. Predloženi članovi Izborne komisije među sobom biraju Predsjednika Izborne komisije.

Generalni sekretar Udruženja prati i pomaže realizaciju aktivnosti Izborne komisije.

Član 6.

Delegatu se uručuje glasački listić na kojem će prilikom uručivanja biti stavljen pečat Udruženja, tako što prilazi stolu Predsjednika i članova Izborne komisije, pošto je prethodno prozvan. Predsjednik Izborne komisije uručuje glasački listić potpisan od strane svih članova Izborne komisije, a jedan član komisije, označava kod imena i prezimena delegata u spisku da mu je glasački listić uručen, dok drugi član Izborne komisije stavlja pečat Udruženja na glasački listić. Kad delegat popuni glasački listić prilazi mjestu gdje se nalazi glasačka kutija i ubacuje u nju glasački listić i napušta mjesto glasanja bez zadržavanja.

Član 7.

Pošto je glasanje završeno, Izborna komisija utvrđuje rezultate glasanja. Prije otvaranja glasačke kutije, prebrojaće se neuručeni glasački listići i staviti u poseban koverat, koji će biti zapečaćen i potpisan od strane Izborne komisije.

Član 8.

Nevažećim glasačkim listićem smatra se glasački listić koji je tako popunjen da se ne može sa sigurnošću utvrditi za koga je delegat glasao, kao i listić na kome je zaokružen veći broj kandidata od broja koji se bira po uputama na glasačkom listiću.

Član 9.

O utvrđivanju rezultata glasanja sastavlja se zapisnik koji potpisuju svi članovi Izborne komisije.

Član 10.

Predsjednik Izborne komisije objavljuje rezultate izbora.

Član 11.

Za Predsjednika Skupštine izabran je kandidat koji je dobio najveći broj glasova od ukupnog broja delegata koji su glasali, a za zamjenika predsjednika Skupštine izabran je onaj koji je na drugom mjestu po broju glasova, osim u slučaju da su oba kandidata sa istog Kantona/Podružnice, za zamjenika predsjednika Skupštine se bira treći kandidat sa liste sa najvećim brojem glasova, odnosno svaki sljedeći ukoliko dođe do toga da je više kandidata sa istog kantona Kantona/Podružnice.

U slučaju da kandidat za predsjednika Udruženja dolazi iz istog Kantona/Podružnice iz kojeg je izabran predsjednik Skupštine Udruženja, utvrđuje se postojanje “nespojivosti kandidature”, zbog čega se takav kandidat isključuje iz daljeg izbornog postupka, a glasovi dati za navedenu kandidaturu smatraju se nevažećim.

Član 12.

U slučaju da je predloženo više kandidata, a ni jedan nije dobio potrebnu većinu, odnosno imaju isti broj glasova, ponoviće se izbor samo između kandidata koji su imali isti broj glasova. Ako ni u drugom krugu jedan kandidat nije dobio potrebnu većinu glasova, ponavlja se postupak istog izbora.

Član 13.

Za članove Nadzornog odbora, Statutarne komisije i Suda časti bit će izabrana prva tri kandidata koja budu imala najveći osvojen broj glasova, osim u slučaju istog broja glasova kada se primjenjuje član 12.

Član 14.

Predsjednik i zamjenik predsjednika Skupštine stupaju na dužnost po objavljivanju rezultata izbora za izbor predsjednika Skupštine i preuzimaju vođenje sjednice.

Član 15.

Članovi Nadzornog odbora, Statutarne komisije i Suda časti stupaju na dužnost po objavljivanju rezultata izbora.

Član 16.

Izbor predsjednika Upravnog odbora koji je ujedno i predsjednik Udruženja, vrši se tajnim glasanjem.

Predlozi kandidata za predsjednika Udruženja mogu biti samo između predloženih članova Upravnog odbora ispred Podružnice/Kantona iz koje dolaze.

Kandidati za predsjednika Udruženja obavezni su najkasnije 7 (sedam) dana prije održavanja Izborne Skupštine Udruženja dostaviti biografiju i Plan rada za mandatni period i lično se predstaviti delegatima Skupštine biografijom i Planom rada za mandatni period za koji se biraju u trajanju od petnaest minuta.

Predsjednik Skupštine i predsjednik Upravnog odbora nemogu biti iz istog Kantona.

Ukoliko kandidat za predsjednika Upravnog odbora ne dostavi biografiju i Plan rada za mandatni period za koji se kandiduje najkasnije 7 dana prije održavanja sjednice Skupštine, smatra se da nije ispunio uslove kandidature, te se automatski isključuje iz izbornog postupka i briše sa kandidatske liste, a postupak izbora se nastavlja bez njegovog učešća.

Novoizabrani predsjednik Upravnog odbora Udruženja, nakon izbora, predlaže kandidate za zamjenike predsjednika Upravnog odbora, o čijem imenovanju odlučuju delegati Skupštine Udruženja.

Član 17.

U skladu Statutom UŠIT FBiH, svi kandidati za predsjednika Skupštine i članove Upravnog odbora do Izborne Skupštine u obavezi su da dostave generalnom sekretaru Udruženja, Izjave da nisu kažnjavani za krivična djela iz oblasti privrednog kriminala, te da nisu u sukobu interesa, a prema Zakonu koji tretira sukob interesa.

Predsjednik Skupštine
Udruženja inženjera i tehničara šumarstva
Federacije Bosne i Hercegovine

Emir Islamović, dipl.ing.šum.

Broj:/26

U Sarajevu, 04.06.2026. godine